

**PREDLOG PLATFORME O UČEŠĆU CRNOGORSKE DELEGACIJE KOJU
PREDVODI MINISTARKA RADA I SOCIJALNOG STARANJA, NAIDA NIŠIĆ, NA
ZAVRŠNOJ KONFERENCIJI REGIONALNOG STAMBENOG PROGRAMA (RHP),
28.29. i 30. NOVEMBRA 2023. GODINE U SARAJEVU, BOSNA I HERCEGOVINA**

Na poziv, Ministarstva za ljudska prava i izbjeglice Bosne i Hercegovine u ime četiri partnerske države (Crna Gora, Hrvatska, Bosna i Hercegovina i Srbija), ministarka rada i socijalnog staranja sa delegacijom, prisustvovaće na završnoj konferenciji Regionalnog stambenog programa RHP, u Sarajevu, Bosna i Hercegovina.

Planirano je da crnogorska delegacija boravi u Sarajevu 28.29. i 30. novembra 2023. godine.

Cilj prisustva završnoj konferenciji RHP je predstavljanje primjenjivost RHP-a kao modela inspirativne prakse regionalne saradnje za druge post-konfliktne situacije.

Regionalni stambeni program (RHP) je zajednička inicijativa Bosne i Hercegovine, Crne Gore, Republike Hrvatske i Republike Srbije (zemlje partnera). Cilj RHP-a je da doprinese rješavanju dugotrajne situacije raseljenja najugroženijih izbjeglica i raseljenih lica nakon sukoba 1991-1995 na teritoriji bivše Jugoslavije, uključujući interno raseljena lica u Crnoj Gori od 1999. godine.

U cilju prikupljanja sredstava za RHP, u Sarajevu je 24. aprila 2012. godine održana međunarodna donatorska konferencija. Tom prilikom međunarodna zajednica je obećala 261 milion eura za podršku Regionalnom stambenom programu, od čega je 230 miliona eura obećala Evropska Unije i 31 milion eura drugih ključnih donatora kao što su Sjedinjene Američke Države, Njemačka, Norveška, Švicarska i Italija, kao i nekoliko drugih donatora. Od ukupnih konačnih troškova RHP koji iznose 291 milion eura, blizu 20% se finansira iz nacionalnih doprinosa zemalja partnera.

Zahvaljujući RHP-u, procjenjuje se da je 11.400 domaćinstava ili 34.000 pojedinaca u četiri partnerske zemlje dobilo sigurne domove, čime je okončano njihovo dugotrajno raseljavanje.

S obzirom da je Program u završnoj fazi, završna konferencija RHP se održava kako bi se predstavila značajna dostignuća ovog vrijednog programa.

Pomenutom sastanku će prisustvovati i Upravni odbor RHP – koji pored predstavnika donatora i Programskih partnera čine i predstavnici zemalja partnera RHP: Razvojna banka Vijeća Evrope (CEB), Visoki komesarijat Ujedinjenih naroda za izbjeglice (UNHCR) i Organizacija za evropsku sigurnost i saradnju (OEBS).

Za članove delegacije, koju predvodi ministarka rada i socijalnog staranja, Naida Nišić, određeni su:

- Anđela Nedović, državna sekretarka
- Mersida Aljićević, Direktorica Direktorata za socijalno staranje i dječju zaštitu
- Adis Pepić, sekretar Ministarstva rada i socijalnog staranja
- Budimirka Đukanović, načelnica Direkcije za zaštitu rizičnih grupa

Troškovi puta i smještaja padaju na teret Ministarstva rada i socijalnog staranja.